

auff Enka des Nachts vberfallen / vnd ihm all sein Zelt / 150. Ross /  
Kleidung / Rüstung / vnd auff hundert tausent Gäldeu bahr Gelt  
genommen / viel Christen erloßt / auch auff 20000. Stück Vieh  
davon getrieben.

## ANNO M D D C II.

Sendar Mahomet Gemistochi gewesener Oberster Bezier  
in Ungarn wird bey den Türckischen Keyser beschuldiget / als das  
durch sein spath fortziehen Stulweissenburg sey verlohren wor-  
den. Deswegen er nach Constantinopel wider gefenglich geführet  
worden.

Den 26. Februarij trifft der Graff von Serin etliche Tür-  
cken an / so Canische prouandiren wollen / erschlegt deren auff  
zweyhundert / nimbt sechzig gefangen / vnd vberkommt ihr Ross  
vnd Wagen.

## ANNO M D C III.

Den 17. Maij haben die Türcken vnd Tartarn vber die tauz-  
sent Stück bey Raab genommen / auch viel Christen gefänglich  
bekommen.

Nach dem Cahil Bassa von seines Schwagers Capi Age  
Gütern / so enthauptet worden / vierhundert tausent Cronen behal-  
ten / wird er von stund an auff des Sultans Befehl enthauptet /  
sein Weib vnd Kinder aber sampt dem ganzen Hausgesind wer-  
den ins Gefengnis geleet / vnd seine Güter in die Cammer ge-  
zogen. Da Mamut Bassa diß vernimbt / will er sich mit  
den seinen zu den Auffrührern in Asia begeben / aber sein fürnem-  
men wird so bald offenbar / / deswegen er beneben Capi Age Un-  
derhauptmann geviertheilt wird. Als nun mit der Zeit die  
Auffrührer in Asia sehr zunamē / also / das sich auch ein Bassa von  
Babylonien zu ihnen schlug / gedenckt der Sultan Fried mit jnen